

## Герман Борисович Николаев

Коми Республикаса Юралысьлөн 2022 во моз тöлысь 8 лунся 83 №-а Индöдөн сетöма «Почёта гражданин» Коми Республикаса медвылыс почёт ним.

Чужис 1938 вося лöддза-номъя тöлысь 26 лунö Татарскöй АССР-са Казань карын.

Коми Республикаö воис 1964 воын Ставсоюзса ударнöй комсомол стройка вылö – Сыктывкарса вөр промышленносът комплексö.

Разнöй кадö Герман Борисович юрнуöдiс татшöм трестъясöн: «Комипромжилстрой», «Бумпромстрой», «Сыктывкарстрой», «Главкомистрой».

Сылөн юрнуöдан кадö помöдз стрöитiсны ЛПК, выльмöдiсны Зöвсьöртса завод, стрöитiсны ДСП-100 завод, фанера вöчан завод, кытöм материалъяс вöчан фабрика, Зеленечса порсь видзан комплекс, Эжваын да Сыктывкарын чипан видзан фабрикаяс.

Сiдзжö стрöитiсны 1,5 млн кв. метр гөгöр оланiн Сыктывкарын, Усинскын да мукöд районын, матö 20 школа, челядьöс видзанiн да мукöд социальнöй объект.

90-öд вояс заводитчигөн Герман Борисович юрнуöдiс Коми Республикаöс экономика боксянь сöвмöдан уджтаслөн дирекцияөн. Босътчис проектируйтны да стрöитны титанöвöй рудаяс, Тиманын бокситъяс, интаса марганеч перьян да переработайтан объектъяс.

2003 воын Г.Б. Николаев заводитiс уджавны Сыктывкарса вөр институтын велöдысьөн. 2004 воын сетiсны техникескöй наукаяс кандидатлысь ним.

Пенсия вылö петöм бöрын Герман Борисович сиис ассьыс олöмсö ветеранъяслөн организациялы. 2014 восянь лоö «Главкомистрой» ветеранъяслөн сöветөн веськöдлысьöс вежысьөн.

Разнöй кадö Г.Б. Николаев вöли КПСС-лөн Коми обкомса бюроö пырысьөн, сiйöс унаысь бöрйылысны Коми АССР-лөн Медвылыс Сöветса, карлөн да районлөн Сöветъясса депутатөн.

Сьöлөмсянь уджалöмысь Герман Борисович Николаевлы сетiсны «РСФСР-са нимöдана стрöитчысь», «Коми Республикаса йöзкост овмöсын нимöдана уджалысь» почёт нимъяс, Уджвывса Гöрд Знамя, Войтыръяслөн Ёрталун орденъяс, «Коми Республикалы бур вöчöмысь» Коми Республикаса отличие пас да вылыс тшупöда мукöд награда.